

*Omnia transeunt vt re-  
vertantur.*

**H**Vc ades ô dilecte, ades ô dilecte, soporis  
Dive pater lepidi, dive pater placidi :  
Da placidâ mortē, iuvat, oh iuvat ire per vm-  
Et fastiditē linquere claustra meæ (bras.  
Despectæ vitæ : nihil hic nisi reddita prisca,  
Et iam præteriti semina viva *χρόνῳ* :  
Omnia mutantur: fugit, at remeabilis, annus:  
Ver fuit, & rediit; ver redit, & fuerat :  
Omnia mutantur: fugit, at revocabilis, hora,  
Præterit, repetit, quæ fuit antè redit :  
Omnia mutantur: fugit, at revolubile, cœlum,  
Sol cadit exoriens, exoriturq; cadens :  
*act.* Omnia mutantur: fugit, at rennabilis, vnda,  
Est fluxus gelidæ, retro refluxus aquæ :  
Omnia mutantur: fugit, at sibi dedita, *ψυχῇ*,  
Ad patriosq; lares (vnde redîrat) abit:  
Omnia mutantur; fugit, at reparabile, scîre  
Hoc perit, & surgit, vanuit, evaluit.

*Ergo*

Omnia mutantur, nihil interit: omne resolvi  
Dicitur, at vulgus cuncta perire putat.

*Anima non senescit.*

**H**Vc scyphos (anima,) hem tibi :  
Te nunquam senium carpet vafre pigrum :  
Nec texet gravibus deam  
Ærumnis putris ætas; sæva spiculis  
Non te transfodiet suis  
Diris mors teneram; & summo Iovi intimam.  
Labes corporeæ sinent :  
Scandes cœlica virgo templa blandula :  
Cœtus sidereos videns,  
Aeternum placidè ducēsq; speculum :  
Iuno pronuba vortici,  
Argenti nitidi nodum parat sacrum :  
At formam Venus integram  
Reddet pulchra, iuventam peruenustulam :  
Immortalēq; Iupiter  
Apponet diadema auri tuæ comæ.

*Ergo*

Huc scyphos (anima) hem tibi,  
Quam nunquam senium carpet vafre pigrum.